



→ AGLAIT ←

ILLUNAINORTUT. ↗

Nr. 35

Nain,

Mai

1907.

N. 35

Sokkosijuilune toko tikidlugo.

Sotlandemiut illônaticasak Evangeliumiôvut mâna ullapitaunatiglo okpernitik malliklugo inôjungnarput. Taimaitsainalaungilarle. Jârit 200tit unerkijangit matto- ma sivorngane unangnijaukattalaukput, illangillo toko- taulaukput aglât. Tamattominga arnâk magguk tukisi- laukpuktauk. Attausek ningiovok, aipangalo inôsukpok; sivorlek attekarpok Mariamik, aipangalo Margaretamik. Tapkoa pititauvuk parnanairsimavingmut. Katolikit siluklutik sagiartinasuarpakit Katolikinut sullingilalle. Maria erksimut sâlagijaukasakattartillugo Margaretab maksoatipa Gûdib okausinginut.

Kiglisiniarvigle kingorlerpâk kaglilerpok, tamarmiglo okpernitik missiarutiginiangikunikko tokojuksauvuk. Ipi- tiniarlugikgôk immâne kappiasuktinasuarpakit. Taimai- lerkârtinagole Maria ajulerkasakpok nerkekatsiangimut sinnikattanginamelo. Unnuat illanganne sinaktômavlune, nipperkortojomut kairkovâ aiparilauktarne okarlunelo: „Nagliktara Johannese, kemangniarnangatôk, ipilerama, amuanga imânit!” Margaretab aktorpâ okativlugolo: „Im-

maksoarnik ikâruvit, illaginiarpagit kôksoarniglo (ikâruvit) ippititauniatsengilatit taipkonunga. Sivoraniarnak, illagigapkit! Nâlegak okarpok." aimarsartauvlune Maria tupakpok okarlunelo: „ Atso, igvit Margareta uvamnêpottit. Takuk, sinaktôm alaukpunga sivoraganetut aipara kitorngakkalo illagivlugit iglomênimnik, malliksûblo ippitinasuarpânga. Sajuklunga sivoradlarpunga." Margaretab okautivâ: „ Sivoraniarnak, piuligapkit. Erksiginiarasigik timinik tokotsijut tarneniglo tokotsijungnangitut. Anginersamigle taimna erksigisiuk timiniglo tarneniglo asserortitsijungnartok ânianartovingme." Mariab taimna kujagivlugo okautivâ: „ Angijomik manigorparma, ammalo okautsinik tussarnertunik okautilaunga!"

Margaretalo okarpok: 'Kuviasuklunga taimailijomavunga Taipsomane sûtjat tigulaungmanga aksârlungalo aglangnik hailiginik pitilungalo parnanairsimavingmut, aksârungnalaungilânga okautsinik hailiginik kaujijamnik, aglaksimajunik omatimne. Anginerpâmik tapkoa perkutigivakka manigorutigivakkalo'. Taimak okarêrame serkortulerpok tuksiarlunelo: 'Omatise koaksânganiaratik Atâtama iglungane igluksakarpok unuktunik. Uvamnik okauselik inungnut, okautigijomavara atâtamnut kilangmêtomut'. Assinginiglo unuktunik taimuktarpok. Sorairlune okarpok: 'Kia avitsungnarpâtigut Kristusib naglingninganit? Kiksarnerublônêt kappianarnerublônêt unangmiklerneublônêt? Tamakkoa tamaita attorlugit ajugauluarpogut uvaptingnik nagligosuktokut.'

Taimak okartilugo tussarpuk nippinik, pârngnanairsimaviglo upkoêrtavok, mallugosukpuglo tokk auv ngak

tikkisimangmat. Tagvainak sûtjat tessiorpakit sikjamut tokkotauviksangangnut. Sikjamut tikkigamik innataugilagle. Tagva imab kiglingane kellaksortauvuk nappajungnut, ullikscalermallo Margaretab Maria okautivâ: . Sokkosijuilerit tokko tikkidlugô, tagva niakôtémik ômartomik tunidjivigijomagapkit." Taimak okarêrame nip-perkortôvlune tuksialêrrok tokkokârtinane.

Tâpkoa okpértuk maksuajuk pivlugik, okarungnar-pogut: „Okperlutik tokkovuk. Gûdib ajunginersamik issumasimavigingmagik sivorngagut." Tâpkotitunak sokkosijuidluta sappinginjarkitâ?

H. S.

Okausiovaktut.

Saglosôngojok okperijauniangilak. miksekartomik okaralloarpat.

Saglosôngojub inukatine puigivait. (Taimairok, nangminermittut illinganasugigamigit.)

Tingmiak mikijok, mikijotuinarfik auktortakariakarpok. (Inuk nikanarsarnermine nâmaksikattaralloarrok, piojorimalle issumanga kattakattarrok nâmaksijungnangilunelo.)

Ikajerne mikijoarsogalloarlune nâmagijauluarrok angijoksoarmitt illapsugosungnetuinarmitt.

Angut silaitôjungnarrok kaujittinago. (Silainek kaujijaujok ulloreagijausongovok.)

Katsiorutearpik tuavi tertipok kovilukarlunelo. (Inukulluk taimailingagivok, kôsaraitôgame.)

Angutib saglonek okautigijungnarâ, nangminek okpersiarniarlune sagloneerijaminik.

Inuk tuksiarsongojok inôvok pitsartudlartok.

Okausekaluarlungitok issumagiktôsongovok.

Tamaine piloriktônasugijok, piniarungnarkattangilak sumik.

C. S.

K a u j i j a k s a k .

Tussalaukpose imakâ, attanerusivut aujame kângertome Labradoreliarasualaugmingmat, pijaksakarnermulle pijariarkortojuunik ângat utteriakalaukpokgôk St. Johnsemut nokariakarlunelo tagvane. Issumakammarigivorle, aujarme kajome tikitsomangmivlune Labradoremut, agviartaunajangikune sumut. Namuluatsiak ainajarmangât illagêktotalingnullo tamainut ainajarmangât, aglangit okalungilat, inuille Labradoremiut tamaita salutitaurkovait.

Attanerutsib aglangit okarivut, attanerijapta E d u a b inulervinga uvloksiorutaulemat mâanna J u n i m e 26 me. Attanerijapta Eduab inulerviluatsianga nelliutisôngogalloarpok Novembereme 9 me. Sunatuinaille pivlugit November idluarijaulungimat, attanerub nangminek inulervine uvloksiorutaurkovâ inukotiminut J u n i m e 26 me.

A. Martin.

I s s u m a n a r t u t ,

7. Nane okaudjauvita, nâmanersaungmat ogguarnerub iglunganut ailune ainermit immernerub iglunganut?

8. Arnak taijaujok Testamentetokarme illuvertaulaupok Aichib (napârtub) attânut. Kinauvâ?